

Fragment of text or markings, possibly a stamp or label, located in the upper left corner. The text is partially obscured and illegible.

興國縣志卷之三十二

祠廟

按孔志於城鄉祠廟較蔡志所載頗多刪除自謂寓崇闢之意但於此邦國故或因遺跡無存遂沒其文不幾弁飭羊而去之歟茲所錄視舊志稍詳惟

忠聖祠暨名宦鄉賢忠義節孝四祠環列學宮則不重見壇壝以昭祈報固祠廟類也謹照祀典編次不別

立標目

關帝廟在縣治後東西六楹康熙間建雍正元年修嘉慶六年二十五年重修左有三公祠以祀先代 舊廟



在縣北一里明成化十五年義官陳綱維兄弟建嘉靖三十二年知縣林恕重修

文昌廟在澱江書院後上為魁星閣乾隆三十九年建五十七年重修

按魁星閣舊在學宮後乾隆三年知縣徐大坤建十五年知縣孔興浙祀 帝君於閣下俗名桂宮二十年重修三十九年以學宮與書院互易故移建

文昌先代祠在澱江書院後文昌廟右嘉慶八年邑人鍾廣京捐建

文昌祠一在縣署右嘉慶十八年邑人蔡光謨捐建

在縣署東偏明崇禎二年知縣劉清建 國朝乾隆五十六年邑人重修今改為澱江試院故移建 一在

城南三里迴瀾閣嘉慶九年建 其地基王守忠堂捐出按蔡志縣南桑坑有文

昌閣萬歷三十年知縣何應彪建以障水 口孔志云閣廢址存故邑人另建於此

社稷壇在縣北郊一里許瑤岡之陰明洪武七年知縣

馮欽建橫縱各二丈五尺高三尺四寸壇前直長九丈

五尺左右後三面各五丈成化十七年知縣章廷圭作

石壇門一座後圯 國朝康熙四十五年知縣張尚瑗

累石為上下二壇繚以周垣中植碑亭東樹櫺星華表

邑人劉天真記

山川風雲雷雨壇在縣南郊二里許直長十四丈橫濶

祠廟

在縣北一里明成化十五年義官陳綱維兄弟建嘉靖三十二年知縣林恕重修

文昌廟在澱江書院後上為魁星閣乾隆三十九年建五十七年重修

按魁星閣舊在學宮後乾隆三年知縣徐大坤建十五年知縣孔興浙祀帝君於閣下俗名桂宮二十年重修三十九年以學宮與書院互易故移建

文昌先代祠在澱江書院後文昌廟右嘉慶八年邑人鍾廣京捐建

文昌祠一在縣署右嘉慶十八年邑人蔡光謨捐建

在縣署東偏明崇禎二年知縣劉清建國朝乾隆五十六年邑人重修今改為澱江試院故移建一在

城南三里迴瀾閣嘉慶九年建其地基王守忠堂捐出按蔡志縣南桑坑有文

昌閣萬歷三十年知縣何應彪建以障水

口孔志云閣廢址存故邑人另建於此社稷壇在縣北郊一里許瑤岡之陰明洪武七年知縣

馮欽建橫縱各二丈五尺高三尺四寸壇前直長九丈

五尺左右後三面各五丈成化十七年知縣章廷圭作

石壇門一座後圯國朝康熙四十五年知縣張尚瑗

累石為上下二壇繚以周垣中植碑亭東樹櫺星華表

邑人劉天真記

山川風雲雷雨壇在縣南郊二里許直長十四丈橫濶

祠廟

十一丈五尺始建年代無考明成化間知縣章廷圭嘉靖間知縣林恕相繼修後圯 國朝康熙四十五年知縣張尚瑗重建自爲記

先農壇在竹壩東嶽廟左雍正四年知縣金履寬奉文建十二年奉文增祀八蜡神乾隆三年知縣徐大坤重修前後兩楹東西爲廊直長六丈橫濶四丈祠外爲壇直長二丈四尺橫濶四丈二尺周圍繚以牆自爲記其基係竹壩鍾益貞捐獻

城隍廟在城東大乘寺左乾隆三年知縣徐大坤建二十六年知縣鄧蔚林五十八年知縣程玉樹先後重修

按城隍廟舊在北門外卽今儒學地明洪武間知縣馮欽建成化間知縣章廷圭增建石坊萬歷四十六年知縣蔡鍾有修崇禎十四年邑人羅萬有重建大堂 國朝順治十四年知縣黃之麟康熙十九年知縣黃惟桂先後重修因改造儒學移建今處龍神廟在河南渡口乾隆二十六年知縣鄧蔚林建自爲記

按舊廟在縣南一里許龍王潭上明正德間邑人李龍珠等建年遠頽廢遺址無存

火神廟在治平觀後倚左乾隆十年署縣馬淇瑞倡建

嘉慶二年前楹遭回祿邑人重建

旗神廟在南門內中祀關帝旁祀五方旗神康熙十六年知縣黃惟桂建後圯道光四年重建

三程祠舊名三程宗洛祠宋慶元元年通判黃渙知縣解僖建於學古堂後嘉定五年知縣李伯堅遷於學東肖像祀焉咸淳元年知縣錢益作大中祠於明倫堂右配以二程子李昌吉有記十年知縣何時劄書院於安湖建三程先生祠於講堂以周子合祀尚書方逢辰知軍文天祥俱有記元至正間復遷宗洛祠於學古堂後十八年冬燬於寇明洪武元年知縣賈思復就故址鼎

建五年知縣馮欽遷於戟門西成化十八年移三程像於西廡廊下宏治五年副使張璉提學黃仲昭徙於明倫堂後知府周鳳有記正德十四年知縣黃泗建安湖書院於縣治後左像元公右像大中旁像明道伊川歲以春秋丁後一日致祭萬歷二十七年知縣何應彪改書院為名賢祠中祀三程左信國右陽明相國葉向高有記 國朝康熙十七年知縣黃惟桂建三程祠於啟聖祠左以周子合祀康熙五十年知縣張尚瑗改祀二程子於五賢祠而以程大中與海忠介合祀三程祠之名遂廢乾隆三年知縣徐大坤重建於澱江書院之後

八年知縣靳樹藻十五年署縣孔興浙先後修葺三十
 八年以其址改建學宮擬移三程祠於今澱江書院後
 不果五十四年知縣程玉樹改育英書院為三程書院
 移三程神主於此後圮道光四年邑人黃大猷捐建三
 程祠於縣東門內

文信國祠在舊三程祠左祀宋文天祥明萬歷二十七
 年知縣何應彪建 國朝知縣黃惟桂重建配以統制
 輩信督叅趙時賞久廢

王文成公祠在舊三程祠右祀明王守仁萬歷二十七
 年知縣何應彪建 國朝知縣黃惟桂改建於啟聖祠

右與文信國合祀久廢

五賢祠在縣署西文昌祠後祀宋程明道顧程伊川顯
 李待制朴文信國天祥元元學士明善嘉慶十八年邑
 人蔡光謨捐建

按舊祠在縣署東偏知縣張尚瑗有特祠議嘉慶癸
 酉改建試院故移今處

鍾令公祠在文昌先代祠右祀邑人鍾紹京嘉慶八年
 建以裔孫廣京附祀

按舊志令公祠正德前已廢其遺址即南社學
 李君行祠祀邑人李潛久廢

與國鼎記 卷三十二 祠廟
按明正德間知縣黃泗遷安湖書院於城內大乘寺
中祀三程周元公東爲李君行祠西爲鍾令公祠鍾
李爲此邦國故祀於書院最宜今令公祠已經重建
而君行祠獨闕故特著於此

程大中公祠在縣治右祀宋知縣程珦

按舊志止有三程祠無大中公專祠乾隆三年知縣
徐大坤始卜室於海公祠後而特祀之前建石坊祠
內有大中公遺像

海公祠在大中公祠前祀明知縣海瑞

按嘉靖末年海忠介廢三檀寺就其後山建尊經閣
後人塑海公像於閣下萬歷初年閣廢移海公像於
盧公祠三十六年副使龔道立檄知縣王芮建海公
祠卽盧公祠改爲之今祠有遺像係當時所塑

孔志載海公祀田白鷺田租十一石二斗五升油塘
田租七石藍陂田租二十二石大枋田租十三石七
斗五升心村田租十二石儒口田租十石渡江田租
二十石其糧俱存民尾戶完納春秋於丁祭後一日
及公誕日致祭

盧公祠在府館右祀明知縣盧寧久廢

按祠建於嘉靖間副使曾于拱記大理卿董天錫撰

去思碑萬歷間合祀海公稱盧海祠 國朝康熙甲子祀盧公於名宦祠以知縣黃惟桂配稱海黃祠是盧公祠之廢在康熙甲子也

黃公祠在文昌先代祠左祀知縣黃惟桂嘉慶八年邑人鍾廣京捐建

賢令祠在儀門西祀宋知縣程珦何時明知縣唐子儀章廷圭達泰宏治十八年知縣曾選建泰和劉鴻記久廢

按五公今俱崇祀名宦祠張損持太史又別有遺愛五公祠之議與此不同謂宋知縣程珦莊夏明知縣

盧寧海瑞 國朝知縣黃惟桂也然祠不果建謹附識於此

厲壇舊在北郊二里黃泥坑明永樂間知縣江浩以地窳不便移建瑤岡嘉靖末知縣海瑞改建演武亭東今仍其地

昭忠祠在都司署頭門右嘉慶八年奉文建祀陣亡兵丁

擊桂賈祿陳鳴鳳謝恩科羅坤張琳林國華鍾鳴廷羅明亮曾光彩吳標李亮萬祿蕭光鳳楊祿蕭光廷黃連秀皆嘉慶元年從征湖北者

義勇祠在温波祀禦賊被害義民明嘉靖間建今廢里社廟在城內縣治西新安坊

真武廟在縣治西數十武

東嶽廟在大足鄉忠孝新里明成化十六年邑人陳鳳
翔修 國朝乾隆五十四年重修

水府廟在縣東江畔明正德間邑人歐陽議道建

馬王廟在城東門內乾隆二十二年重修

江東廟即嘉濟廟在縣治西南一里榴岡之右祀贛人

石固元至正中建明成化九年知縣章廷圭修有記

國朝康熙三十四年邑人呂應選捐修前廊門宇周垣

環砌以石廟後倚層岡前臨清沼有古柏二株灌木陰

翳水光映帶為近郊絕勝處知縣張尚瑗有記乾隆六

年知縣于存斌重修

靈山廟俗名太子廟一在縣南里許河南渡口不詳所

自始宋咸淳間知縣何時修明成化十六年里人增飾

前廊嘉靖三年邑人歐陽喬修三十二年推官許鑰拓

廟前地基主簿張子寶修砌屏牆 國朝雍正十三年

里人重建道光二年重修一在北門外大井頭

許真君廟祀晉旌陽令許遜一在西山塔下道光元一

在龍坪明嘉靖五年建 國朝一在龍岡頭墟順治一

在楓邊墟嘉慶元一在竹壩福興陂嘉慶五年一在方

太九興墟嘉慶九一在城岡墟嘉慶十一在蘇坑嘉慶

嘉慶二十二年建

年重建一在崇興墟嘉慶十一年建一在高興墟嘉慶十八年建文昌

帝君一在竹壩獅子口嘉慶二十一年建一在長教道光三年建一在

文溪水口一在圓峯山一在三僚一在江口墟一在冷

水坳一在杉團都壩背村頭水口一在馬窩

忠烈廟祀唐忠臣張巡俗名康王廟一在治平觀一在

南門外丁字街一在澄塘一在高多一在社園巷一在

武溪渡口名厰上廟一在陽背嶺

秦娥祠在清德鄉秦娥山巔祀孝女秦娥

葛姆祠在衣錦鄉相傳自交趾至此因家焉唐宋廟祀

不絕知縣莊夏禱雨而應額曰惠應久廢

楊筠松祠在衣錦鄉筠松遁跡零都往來山寮授徒曾

文迥廖瑀故二姓皆立祠祀之

集福廟俗呼彭屋廟在縣北里許吉水廖如春有記

五昌廟在縣北濊江畔康熙六十一年建嘉慶九年鳳

庄謝姓重修

崇福廟在北門城內興賢坊

興國縣志卷之三十三

塋墓

唐

睦州叅軍鍾寶慎墓在殷富圩令公墓左乾隆十三年後裔重修

吉州安福令贈饒州刺史鍾子威墓在澱江鎮沙陂越國公紹京之祖也

中書令越國公鍾紹京墓在清德鄉殷富岡乾隆十三年後裔重修墓左砂之麓建有醮掃站房兵部尚書李邁墓在良村

檢校戶部尚書會稽子謝肇墓在衣錦鄉黃口

通志云南康上猶有謝平蠻墓相傳謝肇未知孰是

宋

司空李潛墓在長信里木口山

寶文閣待制李朴墓在司空墓左

左司諫李謙墓在馬良石人嶺

按李司空父子賜塋所在久而凌夷明萬歷中知縣

蔡鍾有始勘得之立藎以表焉 國朝康熙四十三

年知縣張尚瑗蒞任其裔孫牒愬復遭規占誠諭俾

還阡址并載郡志然唐尚書李邁實潛之六世祖宋

左司諫李謙則朴之從孫崇祀鄉賢者也其墳墓皆

不可不紀舊志遺之特為補錄

翰林編修王質墓在方太上合村寺背

大理評事呂寅墓在屋山下春口壩

按郡志作敬春誤編入明代考敬春乃寅之字也通

志又訛為李敬春

豫章宮校蕭行可墓在羅姥頭

上杭令鍾紹安墓在長信里

元

贛州路總管呂志熊墓在寶城鄉長信里大木口

明

太常卿呂復墓在南隅九華山

孝子呂叔素墓在寶城鄉長信里小坑

孝子王朝綱墓在大足鄉松岡寨

樂昌知縣謝魁墓在鳳庄蒼鷺樹下康熙五十一年裔

孫重修

孝子呂承廣墓在朱泗橋

孝子凌汝祥墓在迴龍牛皮寨

唐府長史鍾凌霄墓在北隅花園背

太監謝世安墓在帳幙山

世安衣錦鄉人年十五給事內廷為左監丞高帝令克孝

陵工永樂間令營長陵時遷都燕京復令增修宮闈朝市進本監太監後被命往川西採運木石凡八往還以勞勩恪勤益任之正統戊午卒乞歸葬祖塋許之

張尚瑗曰正統三年諭葬碑白石瑩潔如玉以堅緻

故獨無恙仆亭址中胡宗伯澆所撰誌銘今無有矣

梧楸蒼然感題一絕句云紫禁門前鐵誥移左貂璽

起裕陵時濫恩賜葬尋常事集古休驚護敏碑

按損持太史作澱水志林泛言志人故戚晚而外弁

志內侍非以世安為興邑人物也及修府志則直刪

之復繫之以詩後人修志其無庸為世安立傳明矣

贛郡方志節錄本傳於坵墓志後深得史家因事附

見之義今仍之

國朝

贈內閣學士王鼎相墓在清德鄉銅鑼窩

禮部侍郎王思軾墓在北隅蔭塘

按舊志名墓依朝代編次贛郡方志則以仕宦流寓諸墓載本邑之後義例尤覺謹嚴茲仿其意另列如左惟光祿寺丞鍾春雖係邑人而墓在贛縣不應特書於興志故從刪

梁檢校工部尚書鍾匡墓在澱江鎮沙陂

匡字元弼世居潁川長社

行梁王銀青光祿大夫檢校工部尚書以事謫臨江都守致仕選侯景難階弟寵攜家徙南康郡年八十二薨

於逆旅安厝於澱江鎮沙陂上秋坑

張尚瑗曰考新唐書宰相世系止言永嘉郡丞嶼之子寵徙居贛而不及匡鍾氏族譜邑令唐子儀序謂匡為嶼子寵為嶼子匡之子矩後遂絕而寵子寶慎四傳至紹京或者唐書止溯紹京之所自出而不及匡未可知也譜成於鍾氏敬民敬民洪武中以儒生見重於唐公子儀唐為賢邑令有詩文名其言當有所據也爰志之

明興國縣學訓導林學墓在社稷壇後

孔興浙曰碑載嘉靖十一年二月故訓導延平林公

興國縣志 卷三十三 墓 三

學之墓儒學生員張賢等立考蔡志嘉靖八年訓導
有福建長樂林時懋延平惟將樂縣或譌爲長樂學
之於時懋似以字行者殆八年到任十一年卒冷署
空囊莫歸鄉土耳因加封埴以徵此邦士習之厚
按贛郡謝志林時懋長樂人林學南平人南平卽延
平也皆嘉靖間任興國訓導蔡志偶遺之耳

處士福建同安蔡培卿墓在西山塔北霞貓嶺

晉江三處士墓一林子樹墓在羊嶺山腰一林國宗墓
在子樹墓後一林兆遷墓在蔡培卿墓側萬歷間知縣
蔡鍾有構地葬此

孔興浙曰四處士墓一鍾有從弟三皆鍾有客也旣
構地營葬并置田租八石付鄉約爲醮祭契案存庫
嗚呼鄉約豈永久可付之人契案豈長遠可憑之物
殘壘斷碣遺落空岡更閱百年焉知不沒於樵芻乎
因輯邑乘撫卷惻然錄之以見蔡令誼篤故交無歸
我殯之義云

漏澤園義塚附

漏澤園在北郊二里許宋寶慶丙戌知縣李德創置郡
人趙東野爲之記

義塚 一在瑤岡之上名月形距縣三里地甚寬廠

一在西山塔背 一在南門外仁壽菴背 一在北郊
 三里許名普同塔邑人謝廷煥倡建 一在儒林鄉大
 馬埠老教場前有古碑石 一在大足鄉桐塘口大路
 北名竹山下 一在衣錦鄉杉溪水口新墟左名同人
 墓邑人鍾肖侃倡建 一在溫坑隆興菴左里人楊文
 英捐建 一在水南里人貢生會魁默捐建 一在郎
 團都宋家園竹坑窩里人江中魴捐建 一在清德鄉
 白芒里人高紹瑄捐建四至豎碑為界

興國縣志卷之三十四

寺觀

大乘寺在東門內直縣廨後唐武德二年建初名萬年
 元至正八年勅賜今名舊有飛來殿石佛銅鐘古蹟旁
 為東林西竺二禪房明中葉以其址建學宮後移學寺
 仍舊 國朝乾隆三年知縣徐大坤徙城隍廟於大乘
 寺西竺仍存廟右東林移在廟左嘉慶十三年重修分
 為內外二寺

三檀寺在西門外數百武南唐時建號西山寶勝永泰
 院宋治平申政今名元僧用和再修復縣尹陳文彬董

成之泰和劉崧記明洪武萬歷間先後修葺 國初前
殿燬康熙三十五年重建乾隆二十三年重修四十八
年繼修

普惠寺在縣西南里許唐中和二年建舊名西禪元末
燬明洪武四年修復改今名 國朝乾隆四十四年重
修

觀音寺在西門外依巖爲寺元時三台巖舊蹟中有許
旌陽道院見劉崧記明萬歷中知縣何應彪改名觀音
巖鐫字巖上巖前有龍虎二石一黑一黃 國朝嘉慶
二年因巖前澗水泛溢冲塌無存移祀大士於上巖鑿
石爲龕循壁爲寺復名三台巖虎石移置寺前迤左爲
痘娘宮乾隆四十六年五十八年相繼修葺右爲藥王
殿乾隆十三年建嘉慶二年重修廟內一泉甚甘冽暑
暍不涸又右爲眞武閣

觀音閣一名慶源閣在東隅濠池口上道光四年卽舊
址重建

靈山寺在清德鄉順義土卽名勝志南康玉山之龍華
寺唐貞觀五年建宋時有鐵船僧面壁於此榜曰靈山
寺元末燬僧藏山修復明洪武永樂萬歷間相繼修葺
前爲山門面香爐揖鐘鼓二峯中爲大雄殿左倚峭壁

右爲僧舍知縣張尚瑗額之曰窈而深

妙明寺在清德鄉文溪唐貞觀四年邑人蕭剛捐地施田叙建明洪武七年重修嘉靖十四年水決地圯二十九年重修

延壽寺在清德鄉新村唐太和二年建明洪武中重修國朝嘉慶七年繼修寺內有巨鐘重千觔明景泰庚午鑄

圓覺寺在興廉里塘石村唐貞觀間建原名天花山圓覺禪院宋易名感化國朝康熙間知縣黃惟桂復以圓覺顏之院宇幽靚庭中古檜二株蒼翠翔舞

楓樹菴亦曰復古禪林在清德鄉濠坑明嘉靖十一年建登山三里許皆行清樾中有菴曰薜蘿又名黃螺菴明嘉靖二十一年建

東龕寺唐乾寧二年建久廢

鶴雲寺一名白沙寺在殷富今廢

鶴林寺在儒林鄉龍沙

實相寺在儒林鄉程水明季屢修國朝雍正年重建

嘉慶六年修

正覺寺在大足鄉忠孝新少姑

楞巖寺在大足鄉距縣五里

興國縣志 卷三十四
龍華寺在大足鄉羊山舊訛爲煬帝祠寺居山頂東向
拱邑城

大烏山寺因山得名在寶城鄉

白華菴在寶城鄉白石

雲山寺舊名白蓮寺在衣錦鄉上黃嶺

朝陽寺在衣錦鄉下黃嶺嶺高數里崇阪層岡皆茶漆
竹木

際下菴在衣錦鄉有方竹白蓮之勝

千僧寺在衣錦鄉郎團內半都明宏治間建 國朝嘉

慶元年重修

準提菴在北隅鳳岡水口順治十四年建乾隆十九年
重修嘉慶八年再修

白雲菴在瑤岡背乾隆五十九年重建

半偈菴在壩南

佛祖山菴在清德鄉距縣七里

東鎮寺在清德鄉文溪城岡上

茶菴在清德鄉殷富

蘭若寺一名廟背菴在清德鄉濠坑明崇禎六年建

影華菴在儒林鄉大馬埠康熙間建旁有風雨亭

興隆菴在儒林鄉禪院園嘉慶十九年重修

福善寺在大足鄉忠孝新竹壩乾隆五十四年重修
延福寺在大足鄉均村明正統十三年建 國朝康熙

十三年重修嘉慶十年再修

寶福寺在太平鄉藍陂乾隆間重修

東秀寺在太平鄉心田

景福寺在太平鄉高多

南華菴在太平鄉高多

慶雲寺在太平鄉黃田紗帽嶺

松隱寺在太平鄉崇賢楊梅

龍頭山寺在寶城鄉上堡明天啟間重修 國朝康熙

五十一年再修

定光寺在寶城鄉下堡方坑宋紹興間建明萬曆二十
四年重修 國朝乾隆二十年嘉慶二十二年相繼修

葺

覺林寺在寶城鄉白石宋淳熙間建明嘉靖間重修

大塘菴在寶城鄉上槎嶺雍正九年建

大雄寺在衣錦鄉江背峒下四甲康熙五十七年建

東鎮寺在寶城鄉東觀

青雲山寺在衣錦鄉鯉婆寨

東龍菴在衣錦鄉東村

隆興菴在衣錦鄉閭團都上逕

旃檀林菴在衣錦鄉閭團都

靜樂禪林在衣錦鄉天源林麓陰翳淵泉靜深

上歸宗寺在衣錦鄉

西華山寺在衣錦鄉大畝洞

高嶺菴在衣錦鄉干田

東華寺在衣錦鄉三僚康熙間建

南極菴西林菴北斗菴俱在衣錦鄉今廢

梅屋菴火丫坳菴俱在衣錦鄉三僚

寒石山寺在衣錦鄉半逕

紫雲菴在衣錦鄉江背洞弓子坳

寶華山寺在衣錦鄉大嶺山之東

治平觀在縣西門外迤北數百武堯山堂外紀云葛洪

嘗煉丹於此前有丹井後有洗藥池晉太康元年建明

嘉靖三十二年改爲儒學四十年燬於寇隆慶初復建

道場萬曆間又燬今忠烈廟卽其址

長春道院在城南外金雞冠嶺元末縣尹陳文彬修葺

居蒲衣道人於此正殿九楹高入雲際有幻寓室葛藤

窩清碧亭泰和劉崧記今廢

登真觀在南門外里許唐會昌間建明洪武十八年修

今其故址猶存居民闢爲圃納稅於官

陽平觀在太平鄉覆笥山東荷嶺下道光二年重修

三仙觀在衣錦鄉蓮花山頂嘉慶九年重修

至道觀在大足鄉久廢

高真觀在儒林鄉久廢

宅靈觀在寶城鄉久廢

塔附

西山塔在西門外唐天順間建明初圯萬曆間復建

國朝乾隆初年知縣徐大坤因形家言毀之嘉慶七年

重建

朱華塔在儒林鄉橫石唐天順間建元世圯明嘉靖二

十九年知縣盧宁重建 國朝嘉慶九年監生徐學儼

重修

文峯塔在清德鄉文溪

凌雲塔在大足鄉澄龍嘉慶八年州同職鍾廣京建

地名塔岡堆相傳宋時建塔於此土人嘗拾鎮塔五銖錢

塔背

興國縣志卷之三十五

藝文一

按志林以綸誥之文非地志所宜載獨鍾越公四道
典茂古質猶見盛唐遺軌明高帝徵鍾磐勅絹素猶
存亦一時曠典故特列之遺聞而文移則別自爲卷
歸於志政均不入藝文夫制誥出代言之手昔人文
集往往首登之未爲失體也文移關繫一邑利弊未
可槩以官文書目之卷中如海忠介之條陳亦何減
古名臣奏議乎陳一德謨當至正洪武之交舊志兩
見其名考所採海桑集皆作於吳元年甲辰之後是

宜專屬明代今以誥勅冠藝文而申文次之宋元明
文又次之

國朝文採摭較富則分爲二卷又詩三卷書目一卷統
歸藝文志

誥勅

唐睿宗

命鍾紹京中書侍郎誥

門下社稷大勛必歸英傑廟廊賢相允屬謀猷爾銀青
光祿大夫行中書侍郎參預機務上柱國潁川郡開國
公食實封二百戶鍾紹京雅量淵深清規冰徹果行育
德當代見稱強學富辭爲時所重頃屬禍生宮掖巨猾
未夷遂能義感風雲潛圖密斷克清凶釁實仗忠貞宜
登宰司俾掌綸命可同中書門下三品餘並如故主者
施行景雲元年庚戌六月二十四日下

中書令誥

門下忠臣立事忘家殉國良宰登庸開物成務銀青光
祿大夫行中書侍郎同中書門下三品上柱國潁川郡
開國公鍾紹京器識宏遠襟度敏達好謀則忠見義能
勇才惟倜儻明以燭微思乃縱橫博而能裕頃誅凶黨
遂建元勛氛祲廓除廟堂翳掃宮掖清切中書機務宜

曆寵命式允其瞻可光祿大夫行中書令越國公加封
通前滿五百戶賜物三千段賞奴二十人婢十人金銀
器皿三十事馬十匹卽令所司給付王者施行景雲元
年庚戌六月二十五日下

戶部尚書誥

門下艱禍在宸凶邪乘隙永言國重深念宗勤平王隆
基親執干戈人衛社稷遂得勇竭其力知効其謀撫茲
念勞無德不報新除中書令鍾紹京體局機密才略冠
世協心糾徒王師克濟崇彰懋典寵錫攸歸可光祿大
夫戶部尚書越國公食實封五百戶賜物一千段金銀
器皿三十事細馬四十匹奴婢十人更賜細婢六人宅
一區地十頃以旌殊勛王者施行景雲元年庚戌六月
二十七日下

唐德宗

贈鍾紹京太子太傅誥

勅古之將相有功濟於艱危繫於社稷則身沒之後其
名益彰喜隆功臣故光祿大夫中書令戶部尚書上柱
國越國公食實封五百戶鍾紹京昔以運偶雲龍心貞
鐵石扶翊我祖戡亂定功一揮妖氛再清宮闈成提劍
之業在綴旒之辰固可以銘勛鼎彝書美青史亦已秉

與國縣志 卷三十一 五 諸勅
釣西掖曳履南宮而旌其功烈未有寵贈儲傅之位次
於三公用以勅終光於幽窆可贈太子太傅建中元年
庚申十一月五日太尉兼中書令汾陽王假中書侍郎
闕司封郎中知制誥臣張蔭寅奉行侍郎闕銀青光祿
大夫門下侍郎平章事炎正議大夫行給事中審道奉
制書如右請奉制付外施行建中元年庚申十一月五
日制可十一月六日寅時都事丁固右司郎中張蘩吏
部尚書闕朝請大夫權知吏部侍郎輕車都尉說吏部
侍郎闕尚書左丞闕告贈太傅鍾紹京第奉勅如右符
到奉行郎中定國主事思孔令史劉光書令史趙仁建

中元年十一月八日下

張尚瑗曰自睿宗景雲庚戌至德宗建中庚申七十
年紹京捐館已久未及更天寶之亂建中追贈乃德
宗踐祚褒崇武德以來功臣二百三十五人而紹京
與焉太尉兼中書令不稱名者郭子儀也門下侍郎
炎者楊炎也

明太祖

徵與國縣逸士鍾磐勅諭

朕承上帝閔休戢定大統不切於求賢何以成無爲之
治非樂於忘勢不能致難進之賢聞爾鍾磐潛心經史

博洽古今蘊經國之遠猷抱致君之宏略顧乃嘉遯邱園不求聞達朕懷高誼思訪嘉言渴望來儀以資啟沃夫古之君子隱居以求其志行義以達其道當今開國之初而獨善自安豈其本心諒爾於行藏之宜處之審矣特遣行人趙彥可往詣所居徵爾赴闕仍賜禮幣以表至懷爾其惠然就道以副朕翹待之意洪武二年己酉三月

興國縣志卷之三十一

藝文二

明申文

黃泗

移易風俗申文

贛州府興國縣爲毀淫祠復書院立社學以正風教事奉欽差提督南贛汀漳等處軍務都察院右副都御史王鈞牌爲移易風俗事蒙照有司之政風化爲首習俗侈靡亂是用生及奉告諭內開違棄禮法豈獨爾民之罪有司者教導之不明與有責焉等因奉此除依奉於

四隅六鄉內各選鄉長一名將告諭家給一張粘貼在門朝夕巡諭互相戒勉外切緣頑民習俗既久從違靡定實由有司政拙德薄無能倡率但因兵歟連年徵科不輟爲之民者亦惟救死不贍禮義未治無怪其然今幸蒙軍門掃平蠻寇爰妥窮民年來幸值有秋兼無疾疫教民興行機實在茲緣本縣正德五年流賊殘燬之後縣治陵夷學宮頽壞近該卑職申鳴上司准令修造凡所弛廢漸行整飭外奈何窮山僻地人少務學富家大室競爲淫侈所謂教子之方爲學之法全無足取間有子弟稍具敏質者亦皆因循章句而於理學漫不究心科第久乏人文不振職此故也卽今作養生儒不滿額數無名僧道每至羣然加之庸人俗子信從在彼輕忽在此欲望禮義之興人才之盛風俗之淳不可得矣卑職目擊斯弊除將本縣淫祠齊天聖母七姑娘天符等廟拆毀起造原廢社學二所及考舊志備載宋慶歷甲申大中大夫程公珦來知興邑事二子明道伊川少侍父學遣師濂溪周元公實自興國始惟時政教大洽人文特盛咸淳八年宣教郎臨川何時來試邑稽閱往牒知爲大賢過化之地且因本縣衣錦一鄉遠僻山林比之他鄉其地與民尤爲險梗乃據彼地安湖山水之

勝議建安湖書院爲堂者一爲齊者六又爲祠於講堂東中祀大中配以元公而二程侍焉用以風彼士民使知向學以敦頑習宋文天祥方逢辰親製碑文二通洪武三十三年知縣唐子儀重爲修葺迄今彼地人民盡湮書院基址盡廢二碑尚屹荒邱頑民罔知瞻向又前任知縣章廷圭因見祠祀久廢乃於本縣學東修建二程小祠一所歲時奉祭卑隘弗稱及查唐宋暨國朝相繼名臣如鍾紹京謝肇蕭行可李朴王質呂復輩實興國偉人今其子姓氏微祠祀無立與三程祠書院久隳並爲缺典卑職見得縣治後有大乘寺遺址向被流賊殘毀今興民及本寺僧衆猶欲勸緣重建寺宇卑職恐滋非倡邪已經遏阻欲得此地截據其半改建安湖書院中爲講堂後爲退省堂爲尊經閣以據書院之勝東爲先賢祠祀三程如前例院以元公侍之二子西爲鄉賢祠祀鍾紹京等六人東西祠之兩旁各建齋舍若干間并移文天祥方逢辰殘碑於此爲證及於城隅中拆去淫祠基址各立社學一所考選能通經學素行端謹社師各一名并報選民間俊秀子弟凡可進取者悉充社學童生冀以成學進補邑庠弟子員缺仍於生儒中擇其有志向上者令入書院拔其望者爲之長日事講

磨求古聖賢成法以淑其身卑職且將以所聞當道傳習之錄條教之方日相勸課於其間使凡若俊秀者舉知瞻向周程四先生之學行鍾紹京李朴等之德業有所感發而興起焉緣卑職力少才庸深懼弗克第思移風易俗之典幸賴當道作則於上而有司奉行於下卑職近又訪得下鄉妙門寺僧房一所巧製螺絲覆海粧畫五采花紋事屬違禁况本房僧人謝揖禮近爲違法事該本縣提問各僧懼罪在逃欲將此屋行令地方及查各鄉但有淫祠量行拆毀木料磚瓦各運回縣添造書舍等屋庶使建創有資民財不費成功可必緣係毀淫祠復書院立社學以正風教事理卑職未敢擅便合行具申伏乞鈞照示下以憑遵奉施行須至申者

館差提督軍務都察院右副都御史王批據申足見知縣黃泗修舉職業留心教化所申事理悉照准擬施行但政在宜俗事貴近民故良吏爲治如醫用藥必有斟酌調停之方庶得潛移善變之道申繳

欽差提督學校江西等處提刑按察司副使唐批看得所申關邪崇正深於風化有關仰卽如擬施行申繳

盧 守

清丈事宜

其一付畝諭畧曰卽日丈量六鄉都里擇其虛賊特甚者先之以次而盡其餘所有界至坵畝最宜先辯各該都里老兼同隔越公正老人先往分別界至如崇賢上或大江團有峒原田若干山田爲峒平田爲原某峒與某都相接某原與某里相連或圩岸爲界或陸路爲界或峯巒溪澗爲界按形畫圖就於界上樹椿斲白標寫某界字號而又督率各田戶佃戶於本田樹標懸牌牌面書土名某田主係某里人田若干坵民書民田軍書屯田上則若干坵中則若干坵下則若干坵或俱上則中則下則佃戶某管耕候職親臨督同各役丈踏辯正仍要於該里下隨峒隨原自近及遠以及人里初丈爲近盡境終畝爲遠用千字文爲號刻刷弓步手票先書某字幾號某峒原田或地或塘次書業主次寫田形四至次開弓步長廣積數於後沿號稽峒沿峒稽坵沿坵稽步沿步稽畝沿畝起糧必無隱蔽文完之日於各鄉里界上豎立界石一座大鐫某都某里界左勒原編字號右勒本年甲子其該峒該原豎立額碑一座上亦照號鐫某峒原民田若干載糧若干某某田主名下各若干軍田若干該籽粒若干某某屯軍名下各若干仍一面造冊冊面填註該都里原編字號內開峒原坵畝照

依原編細號備書田形四至長廣積分糧畝數目及田
主佃戶姓名出賣過割日期各無顛錯冊成解院道府
存縣上下備照其丈出田糧責令業戶將該里逃絕人
戶照糧承認但遇糧役就於本名下追徵辦納仍另造
實徵比黃小冊備照候下屆攢造編入里甲永遠糧差
其軍田則爲對原撥屯冊坐定土名坵畝嚴辦新舊四
至就於本里冊後開造其字號畝數一如民田但開寫
屯軍某係某衛所幾缺下原撥受屯租某今頂種故軍
某名下必使各無影佔仍另造屯冊一本解衛存縣以
杜侵沒紛爭則冊籍明而考對有據經界正而法守可
常矣

其一用人論畧曰本縣秋糧一萬三千一百四十八石
有零內無徵一千八百八十九石三斗七升遞年鞭撻
賊納致十室九竄都無定里里無完甲此職目擊痛心
所以如焚如溺必欲急救之者也但職日逐臨都沿坵
履畝公同踏丈所用當非一人苟非慎擇分寄而欲以
一耳目一手足自信自用恐用意愈密而奸弊且滋處
太勞而工程終隳耳除監臨糾督寄鄉士夫另行外合
於每里推擇老成公正之人定立都圖正副各一名聽
本職調理互轄嚴督該都里排田主佃鄰兼同老人二

名不拘軍民田土逐一魚鱗丈量關領丈票明辯四至分別三則填註弓步積成畝數開寫田主耕戶姓名里分里頒插牌一扇遇夜印押記號至曉查號發弓其坵段不必扣糧逐日量過晚卽扣算畝數先圖正次圖副次都正次都副各備細磨對的確毫釐無差每五日一固封呈遞本職不時抽覆敢有隱匿坵段增減畝步倒置等則者通將都圖正副弓步算手佃鄰知因人等問擬受財枉法田主問擬欺隱避就仍聽諸人不拘日期開具容隱實情首告覆丈得實追贓給賞

其一禁科擾諭畧曰本職卽日臨行都里晨夕自帶俸錢自給薪水里甲庫役人等分毫無所干擾遇夜歇宿寺觀舖舍或田庄空房逃戶曠屋決不假住民家士夫館舍其經過地方歇宿之處一應士夫監生生員與引義民等項職役俱不相見亦不許進送杯茶勺水本職亦不接引徒起煩文反生疎外其跟隨書手門隸兵快僅足供書辦勾攝而已都圖副正身家殷足老人書手門隸各役則係衙門執事之人或自己門戶或原有工食相應俱免供給其書算弓步手則自民間拘喚役使者旣嚴需求之禁又無供億之資似非所以盡人力而成公事也當職預處無礙官銀給以飯食俟事畢另行

處置亦各無許煩擾其各役敢有以止宿薪水之故索受茶蔬酒食直分文以上及有賣奸弄法鼓惑鄉愚乘風作弊希圖厚賄者決於該地方枷號從重究遣其地方里排人等敢有私相承奉囑托者查出一體重究

議二

其初議畧曰本縣五十七里里長五十七名本職到任幸不逃亡者僅半耳後稍招集復業當差今得四十四名然半里者已居強半其中有有里長無甲首如崇賢曹溪等里之曾橋劉通鍾實劉克浩者有無里長僅存貧單甲首一名如方太上之劉元海者又有里長僅餘寡妻幼子名具而不堪應役復無甲首幫助如雲山里之謝蒙福者其餘閭閻杉團雲相上下等一十三里則里長甲首盡行逃絕查各里下有止存三五姓流移佃種小戶而已不惟遠年里書無存而近歲排老亦皆漸盡且查本縣蕩虛之弊自正統前後漸積至此成化八年已不下七八百石本府知府姜是年攢造帛審圖眼見本縣虛絕糧戶多將各圖里銷并爲五十七里戶則實而糧則虛也嘉靖元年大造黃冊百姓告請丈量已蒙撫按各衙門詳允通縣鱗冊丈量知縣黃以冊限緊迫但拘集各排強使認收然承認之後卒又派賊蓋以

處之原非其分故也夫以百年之弊一旦欲沿流泝源根極亂首一一清理而乘之以荒墟里分掃蕩無存恐世遠人亡誠未易一爲追復然追復之旣難而繩督之愈力將必至捉影摸形強扳妄派無辜之民當有受其病者不惟紛紛告辯不可窮究而元年之轍迹將復見耳夫以本縣窮民疾苦之甚真如焚如溺而復乘之以事勢之兩難以此本職庸黷不知所裁又復不能坐視惟上智達觀圖難於易將必有兩善之術也

其覆議畧曰夫司民牧者於一民一物失所猶思所以拯救而扶植之顧以通縣之民爲虛糧銷滅大半乃坐視莫爲之所本職固知罪無所逃矣是清丈田糧實興國今日第一議也本職蒞任以來卽以清查丈量二策先詢里老次詢師儒又延訪士大夫各稱荒都逃絕里書靡遺挨界清查之法恐不可行惟有丈量均謂爲時政之不可緩者本縣以爲丈量之役工程浩大苟非其人未易輕動是以節經里老具呈不敢遽爲申請將別求善道以處之近因告者愈繁里巷哀號之聲不忍聽聞又節蒙上司批委見之施行民頗信向乃不得已敢爲清丈之說况今本縣田土奉委丈過者已四之一其告而未蒙委丈者且又一半其未告者止二十餘里然

原其所以不告者有三曰富貴里分糧少而田羨也曰荒絕都圖有土而無民也曰逃民復業無力而畏勢也田多者不欲告無民者不能告畏勢者不敢告夫已經告請者情激於賊逃之苦是固當爲處理若夫田羨糧少則所當丈以平之者也無民畏勢則所當丈以伸之者也若徒卽其告與不告以爲行止則其所不告圖里當爲清丈始有甚於告者矣是以酌俗之宜審時之變博物之情似應通融丈量庶乎田糧平一百世永賴但此舉素稱難事立法欲嚴規畫欲周委用欲當計算欲精防範欲密本職亦但能盡心竭力承奉德意期無取罪至所懷惠者窮民所結怨者富戶懷惠者勢不足以彰法守之謹結怨者力足以起無根之謗中間陽善其術陰撓其成者不可謂盡無其人本職亦無如之何苟非仰藉威嚴毅然斧斷以主持於上而欲事之善成其終也難矣此實萬民剝骨剝肉之望惟居高聽卑擇材委重惠此元元萬幸萬幸

雜議六

一正等則以便徵派查典國田土多依山障水土膏潤澤旱有所滋潦有所洩無甚廢業者其上則照依原額似不待言申則下則卽欲減科於原額不無少變本職

竊照各都田里幸寬今寧使田稍寬餘無使額輒加減
 丈畢扣算除上則外中則以一畝三分准一畝下則以
 一畝四分准一畝而流水歸戶冊內於本田項下明註
 中則田原寬若干下則田原寬若干至科糧則仍其舊
 庶額例不變而法與時宜田賦易興而民並受福矣

其一欲存荒田以待復業

其一欲存餘田以紓民力

蓋欲以丈出餘田通融派復
 去安人心恐盡法起科而人

或生

其一一定經界以正田糧

大要見村
 畝首諭

其一一定冊式以便造解冊有二曰魚鱗四眼冊曰流水
 歸戶冊曰實徵備造小冊四眼冊丈量積算存縣者也

歸戶冊使每里自為一號每戶類為一總縣統里里統

甲甲統戶上註該都里挨次字號下開嗣原額坵畝三

則四至照依原編細號備書長廣積分糧畝數目及業

主姓名里分出賣過割日期使可稽對實徵一冊比照

黃冊舊本不問主客人戶田糧以已收者為舊管丈出

者為新收新收之下就將該里逃絕人戶原遺虛糧若

干查對明白逐戶頂補男婦丁口一併造入下年糧差

即便照此徵輸仍以田多者在前少者以次順列於後

候下界多者編充本里里長少者編充甲首別都富戶

別縣客戶雖有後占亦不得辭使荒都里甲充實可以

足五十七里之數而黃冊大造卽此爲之張本也

其一覈屯田以杜影佔本縣田土軍民雜耕自永樂二年奉例撥屯田九百九十九分每分正田三十畝餘田或七八十畝或三五十畝正田每分折糧一石二斗餘田每畝折銀二分軍刁民頑年深業變四至率皆非舊遂至互相爭訐或以界至不明或以影射侵佔間有新軍不知田所聽憑老佃指報又或新舊管租稍有變故乘機埋沒致軍具告今日將趙甲田認告訐虛明日又將錢乙田認告甚則均告一錢乙而東原西壠前後互異更迭勘丈殆無虛日見奉提督衙門清查軍田本職弔取衛冊逐一查理但有影射互異不明之處卽并丈量爲之辯正土名坵畝稽查新舊四至丈畢之日卽於該里本土名下豎立額碑上鐫某峒原民田若干載糧若干田主某若干某若干軍田若干該籽粒若干屯軍某若干某若干就於本里流水歸戶冊後造入某字號糧畝四至一如民田但要開某軍係某衛所幾缺下原撥屯租今頂種故軍某名下田仍另造屯冊一本解衛存縣庶影佔紛爭或者其稍息也

海瑞

興國縣八議

一屯田永樂二年撥軍下屯大造屯田黃冊軍民各有定分誠足兵足食良法也自是而後軍無耕作之勞倍收籽粒之利事猶可言宏治末年因清查事例各軍生奸指鄰近民田報作己力開墾遂增餘田名目查得屯田原一千分每分三十畝今餘田數約六千餘畝當正田三分之一查得隅都虛糧一千八百石以田多人少自國初至今無一畝一坵開墾民坐都坐里有虛糧屯軍原不住屯佃戶何利何取工食獨爲開墾致有餘田若是且軍田間雜民田中四旁非盡山地何自開墾大率軍之餘田民之虛糧也冊籍已成徵收日久小民賠耗無能辯訴猶曰行事可諉也目今軍人生奸沿襲得慣凡屯田有水衝沙漲水涸拋荒往往指鄰近田爲己田原倉之數一佃其田百端生害無事則籽粒坐收萬一花費拖負運兌損數軍糧重事料上司必爲追理又捏訟佃戶拖欠已糧一年不完佃戶拖害一年是屯田之爲害於民自有屯至今無止日也竊以爲請前日之餘田補民田之虛賠此其善之善者次之革去軍人名目止存佃田之人輸納籽粒或并於縣官或上之衛所隨宜行之小民無軍人之擾而屯糧無虧欠之累一舉無不利焉第不知於事勢何如也

一地利昔人謂江右有可耕之民而無可耕之地荆湖有可耕之地而無可耕之人蓋爲荆湖惜其地爲江右惜其民欲一調停行之也興國縣山地全無耕墾姑置弗計其間地可田而未墾及先年爲田近日荒廢里里有之兼山地耕植尚可萬人歲人所資七八萬人綽綽餘裕也訪之南贛二府大槩類興國而吉安南昌等府之民肩摩袂接地不能盡之使農貿易不能盡之使商比比遊食他省是一省之民也此有餘地彼有餘民目親覩身親歷聽其固然而不一均之也可乎卽今吉撫昌廣敷府之民雖亦佃田南贛然佃田南贛者十之一遊食他省者十之九蓋遠去則聲不相聞追關勢不相及一個南贛之田南贛人多強之入南贛之籍原籍之追捕不能逃新附之差徭不可減一身而三處之役加焉民之所以樂於舍近不憚就遠有由然矣今日若至張有人凡願籍南贛者與之除豁原籍而又與之批照以固其心給之無主山地荒田使不盡佃僕於富戶民爭趨之矣民爭趨之則來者附籍不歸未來者仰慕不數年間南贛無餘地村居聯絡可以挾制諸巢之寇吉安等府無餘民衣食不窘可無爲逃流爲盜賊之憂一舉而全省之民均有利焉是亦撫綏一盛舉也

一隘所奉文查議各地方隘官應否禁革興國縣先年止設隘長總小甲無隘官千百長不能詰奸緝盜專一嚇騙商民巡檢官每年下鄉巡查又往往需索過堡常例雖卑職自到任以來痛加禁革然而深山窮谷假稱盤訐借口騙人其弊其害尚未知其無之否也且隘所又多設之無用之地既非大村可守其村又非高峻阨塞可據其險料是先年里老人等慮有鄉兵之擾奸計以客戶充隘長總小甲等役故亦卽比客戶隨田耕作星散寥寥數人爲居之地爲之也此等客戶居稅戶之莊所資稅戶之牛穀大槩無妻子無家當一有警聞子才一身挈而去耳有萬分之害無一分之利盡舉革之無不可者但隘長總小甲鄉兵之名也因有此名遂有此害禦寇詰奸鄉兵之實也今日不能愛禮以存羊他日必不能因名以責實查得寇自寧都來者牛梳小護二嶺勢得百二近嶺無人居當僉近二十餘里內居民充鄉兵警報趨守其餘皆無險峻間有險峻而旁多岐路守此出彼守之無益再查得寇自寧都來者入興國十餘里村名營前約有四百餘家又一路入興國二十餘里村名山寮約有千家除近縣十里原不附隘所入村不計餘若方山與白石利藍田東里多村惠化東中

下都温陂村藍田西下都長逕口村長信里胡家劉家相近二村憚院燕山相近二村六處多者有三四百家少亦近二百家二百家可起兵二百餘人通前二嶺共十一先年十八隘附近此十隘者遷之餘八隘除革卽險爲隘則有居高臨下之勢卽村爲隘人人各顧身家可無逃避退縮之憂若夫民心不樂爲兵則在縣官加之意鼓舞之而已盤詰騙財過堡常例則在縣官加之意禁革之而已鼓舞之嚴禁之而又非大警報巡檢不許巡堡非大警報隘所不許盤詰無故不得查點鄉兵無故不得名喚隘長方無事設此名而若無則地方無擾及有事因此名而責實則地方有賴若謂盡可除革因噎廢食無其名孰任其事守望相助之俗終無可成之日矣且無鄉兵必資緩急不得力之客兵客兵據掠之害視賊有甚焉卑職未敢以爲然也

一均賦役古先聖人九兩定民業九職厚民生而其取諸民也又定爲九賦之法蓋別內外遠近多寡輕重使各相均稱也查得本縣官民糧一萬三千二百石有奇自嘉靖三十九年歲派徵銀八千九百六十九兩四十年派九千九百零二兩是則較先年加銀九百三十三兩嘉靖九年布政司頒額刻石民糧每石折銀五錢八

分四十年每石徵銀七錢八分五釐是則較先年加銀二錢五釐近年役銀雖減去瑞金湖陂巡檢司弓兵四十名零都胖襖銀七十一兩然又代編零都弓箭弦條銀六十八兩翎毛銀一兩二錢舉人水手銀四兩六錢黃蠟銀五兩一錢府柴薪增六名府皂隸增二名又增府馬兵銀四十兩倉斗級一名銀十八兩水西驛舖陳一名原六兩今十八兩廩給庫子原六名每名二十兩今增共八名每名四十兩先驛館夫五名每名三兩今每名十五兩遞運所防夫五名先每名三兩今增十二兩又新增舖陳庫子銀十八兩小溪驛水夫二十名九牛十五名橫浦四十四名南埜二名水西十二名遞運所九十八名攸鎮十一名今名數如故銀數日增卑職自到任至今小民每告稱賦役日增民多逃竄卑職查興國戶口則名雖五十七里實則不及一半嘉靖三十年以前猶四十四里今止存三十四里卑職自到任後極力招徠今亦止得四十里其間有有里長而全無甲首者有有甲首而止存一二戶戶止存一二人者以故去縣二十里外行二三十里寥寥星居不及十餘家問其人又多壯無妻老無子今日之成丁他日之絕戶也人丁凋落村里荒涼嶺內縣分似此絕少夫民庶無減

於先年而糧役增焉猶不可也乃今民數減前秋糧徭役則增倍於昔以糧計一畝田輸七八畝糧有之以丁計一丁供三四丁之差有之滿望造冊年除豁縣中又以失額不理所訴其偏有輕重猶甚奈之何民不窮而盜盜而逃也竊謂君子立心體天下之物舉凡天下之人皆不當分彼此况在一省一府情尤關切者乎今後當糧役之先伏望批行司府查議清查各縣丁糧虛實人戶富貧將各縣實徵丁糧并原賦役委官磨算要見某縣止當儘某縣差糧某縣差糧當取某縣津貼若干又某縣止當津貼某縣若干上下四旁均齊方正而天下之情無不平矣

一紅站馬船江西均徭平賦盡以一條鞭法行之銀止總數役無指名以此小民得止輸正數較之他省有一倍再倍三倍十餘倍輸當者相遠便民良法也獨紅站馬船又編正戶正名募人自徵取夫募人爲利而來積年趨利人也少有可投之隙必生倍取之奸先年往往以過往繁多府道院取用借口倍取小民不識官府前後事用百端苦之今任之募人前任之募人也查得吉安南昌等府此役亦用一條鞭法南贛獨不然必曰路衝軍門住劄多兵事也南昌亦有軍門巡按三司住劄

在焉用度料不減於南贛南昌正數可足南贛正數萬無不足之事也在南昌足在南贛不足是則上之人不能加意裁節而已上之人加意裁節萬一事出不可已勢在不可裁可增加役銀不可編設正戶蓋增銀小民輸官有定額標之正戶募人得以倚望而垂涎焉任意貪取爲害深也馬船因有正戶正銀外有官吏常例兵部差人諸費今紅船馬船編矣正戶有名矣止徵銀官給禁募人私自徵取量加南京路費僉人齋解是亦一條鞭法也一條鞭則便民編正戶勢必爲害似當速改一招撫逃民居官幸值全美縣分安之不使逃流不幸

適當疲困去者招之使來將去者撫之使得安集縣官第一事也卽與國一縣論逃絕戶極多問其故則虛糧不能賠重役不能供也而其去無還心則拖欠之糧數未除重役之差銀尚在這徵如故數年併之還之尤不可也是以招徠爲難次則富豪之債軸老帖存焉又其次則先年詞訟或被人誣扯或自己細小錯悞案牘存焉分數多少不同要皆小民致逃故也卑職到任而來查得五十七里半里并不可爲里甚多間行鄉落人煙寥寂村里蕭條耳聞目驚爲心惻久矣查追原業本縣可得行之債軸磨害本縣得與豁之其不得自行者糧

役之拖欠及詞訟之未完也夫虛糧拖負或非上司得專若夫未完徭銀無人可取無次丁可賠其中經收人告是豫代原有指賠秤頭今日不可准理先年案牘府爲多守巡道次之其壯者逃老者死存被告無原告存原被無于證完之不能存之徒開吏胥騙局瑞嘗謂假稱逃絕與除豁則滋刁猾之效尤果逃絕不與除豁則又不能開招徠之新路當細爲酌實速爲蠲除蠲除酌實本縣得請事非本縣得專也又今奉文量田約在五月內可完事荒田無人承丈者頗多竊意無業復業之人可卽此給之三年後實有收成依例報稅收成稀少則聽之亦復逃流撫窮困急務也

一哨官查得先年原無隸官有之始自嘉靖三十三年冬季三十六年夏季停止四十六年冬季復取如故奉文皆云僉取家道殷實有武藝之人一人之身二端不可兼得各縣止是以殷實之家奉行耳每一僉點泣告攀扯累日月不能定若置之充軍徒罪然問之則曰一季不止七八十兩費用富者變產破家問所費則曰處處常例也本縣到任以來減去不止一半矣而未嘗無也夫機兵百名原有百長三四十名原有總甲每一隊原有隊長至團營又有把總諸員統之何事哨官膏粱

子弟無武藝堪倡導一季而更與機兵心非親愛非身之使臂臂之使指也於操戰無分毫之益各機兵酒食之需各統兵諸員拜見之禮各衙門人役常例之需開一騙局不小也似當裁革

一革冗員有是事然後有是官設焉先年增設夫豈無謂也哉然前後之時事不同則前後之官員亦當酌處興國縣先雖五十七里近則戶籍空懸民多逃憊半里一二分里分爲多先年設清軍縣丞一員管糧主簿一員又捕盜主簿一員典史一員無所事四十二年巡按陳某考察日卑職曾以捕盜事歸典史裁革主簿申詳

今未示下查得四十一年刑科侯給事奏請裁革四十二年禮科鄧給事奏裁革欵開一切人浮事者可兼可併非衝要而設驛遞非要害而設巡檢者皆可裁革查得興國無大清軍事務主簿一人清軍管糧兼之事未繁瑣又儒學生員止七十餘人教諭一員訓導一員似亦冗矣其一員當裁革自贛吉二府論東界寧都東南界雩都西南界贛縣西北泰和西萬安北廬陵東北永豐興國恰居其中萬一諸巢寇發奸細生焉各縣盤詰之矣一巡司弓兵三十名巡檢官小權輕所濟何事况巡檢百餘年以來在縣城不至塞所徒有巡檢之名若

不生事無一分之事弓兵虛受工食若不生事了無一分詰盜之勞夫有一官則有一官之費若一官不安其分則又有一官需索之擾一官之費分也理也於民不無所妨一官需索之擾時變然也通弊也於民則爲大害昔人謂寬一分民受賜一分竊謂捕盜責之典史主簿一員當革清軍併之管糧主簿縣丞一員當革儒學當革訓導一員衣錦巡檢一員迴龍巡檢司巡檢一員非要害均當裁革伏乞裁度

留民壯文

贛州府興國縣爲軍務事查得本縣額設機兵五百五十二名奉文取三百名赴大營團操留一百五十名守縣城餘一百二名追銀解充募兵用卽機兵爲兵旣免客兵之害卽機兵工食銀召募精兵相幫又無加賦之擾誠完計矣但守城止留一百五十名於本縣則似不便查得四十年內流賊入境倉卒至城下居民不知城池幸以無事者數百名機兵也先奉文止一百三十八名團操四百一十四名留縣小有警聞居民洶洶尚有兵少之患若又減去三分之一何以支撐况兵貴先聲原少今增則士卒得以助其氣壯縱使其人未必一一驍豪可用然亦有虎豹在山虛聲也先多今減則以失

助其氣餒今昔異致人亦或得以易視之雖大營居中而應四面各縣有警可以申文求援然本縣離府二日程萬一如四十年方方有警居中者難於遣應賊卒然臨城何以濟之今除團操三百名外尚有二百五十二名數伏乞姑留在縣將一百二十名充習佛郎機鳥銃餘一百三十二名充習別器械小有警聞本縣檢點鄉兵幫助庶先奉文造鳥銃一百把佛郎機二十把器不致虛設以三百名團操上無缺於本院足兵安民之舉以二百五十二名留縣本縣亦可以無士卒單弱之患緣奉仰縣遴選長操及減扣機兵事理未敢擅便合就

申請詳奪

申吳軍門便宜五事文

興國縣知縣海瑞謹以地方便宜五事上陳伏乞裁奪一本院到任至今百凡節省從前冗費無不裁革民歌舞之矣府縣官亦畏法聽令效法上人以故民間用度十分中減去三四分然以卑職觀之尚非翻然改革一洗而新非謂一門之內小者可論大者可殺也止是與之辯義利分別官民界限使人知有界限而不過越焉爾柴馬俸糧之外用里甲一毫皆爲侵民催徵勾攝之外役里甲一毫便是不能守已諄諄然嚴爲之訓詳爲

之防而又本院二道以身先之凡待客酒席下程一不派之里甲道法併行身教言教兩無違悖無不可行者水清無魚模糊之說不足爲本院道若謂辯別分明過爲刻薄治道去其太甚而已大氣證却下四君子湯恐於民無大補益也

一衛所官軍徒享俸糧了無一分之用非獨南贛天下通然也民旣出財以養軍至有事又出財別行召募平昔之所養者置之無用之地此事全不可通本院非安常守故人也至任以來千萬人以鼓舞作興翻然改革望之矣迄今未聞官軍有昔脆弱今強健矯矯然可用

者是則何故古人未嘗借才於異代而人之性氣亦非始終不可遷移孫子能兵婦人可試李光弼入營一調度間精采百倍似於鼓舞振作之法有未盡也

南贛軍門至今所稱許自上而下必曰陽明陽明外無稱焉然天地間止是此一箇天理人心下至盜賊亦止是此天理人心無二道也陽明削平諸賊巢一以詐術行之濟一時之急則可若謂其可以感化而招徠使彼心悅誠服恐於天理人心不合也竊謂陽明功則高名則盛大畧近似管仲比迹孫吳不足爲本院今日道也誠能動物威德並行聖賢並路本院當別求之隨聲附

和不求之吾心而信之人言不可也

一本院至任以來防閑周密以故凡衙門諸人常例雖未可謂其盡數除絕然已十去八九聞之道途謂內班一月而換未免有遞消息通吏書之弊不若前院久而後更之可此在本院酌而行之卑職未知得之道途之言虛的可否也

一縣官親民比之守巡撫按之去民遠者於民則家人父子也是以凡事知之多真處之多得其當其昏懦不以子民爲心者置不論若稍留心民事上司雖剛明過人者未易及也何也遠近之勢異而位有高卑而小民畏愛因之有得盡其情不得盡其情之異也卑職每見事出本縣可疑者上司未必及駁事在決然反不見允者有之各縣官會談亦每每有動有掣肘之嘆事不好者不得自由好者亦不得自由乃知昔人責成縣令獄貴初辭之說良有以也伏望每事責成縣官如縣官不才則以法黜之若東聽西聞徒長刁風虧治體不可也卑職縣官也言若有爲而言然道理事體恰是如此非有爲也

一卑職申請以機兵剩銀補段察院經過興國縣里甲之用蓋因縣例貧里長於柱下富者僉爲柱頭百凡用

度憑柱頭而柱下止是如數出銀柱頭之數蓋未可盡信也但此事柱頭原無取銀之念縣中止是欲補庫便了事招申本院鍾河讐告庫子非柱頭取銀而告也以機兵剩銀補里甲無故之費似爲兩便若必如招追給柱頭稍有用度柱下告柱頭妄開虛數互相爭擾無止日也伏乞裁奪

薛雲綬

屯田條陳

查得興國屯田不等計有三百餘分除拋荒覈實及扣回衛免徵外共該徵銀五百八十餘兩每年八月開徵

陸續起解數年以前當事者失於查檢凡屯田管業悉係豪右之家不然則皆奸猾之魁籽粒兜收利侵人已錢糧抵搪累及於官百計攝追則亦百計支吾違限失額緣此獲罪始不加察責有由矣自去年本縣堂官蒞任深知此弊嚴加核察而良民懷德輸納頗前迨今年卑職雲綬猥蒙委任徵收一稟法程諭令屯佃先完糧料而後許其收穫更查數年之內完糧無欠者卽係良佃不許奸徒空佔以起爭端自謂遵奉成規開民上納庶無罪責而孰意催徵之日徑仍冒佔有稱爲鄉宦家屬者有稱爲各衙門書辦者有明係數百里外異縣異

籍而陡稱爲故軍餘丁者糧冊有成式矣而彼不恤必欲更改之故軍有定名矣而彼不知必欲冒頂之持銖兩之糧卽欲席捲數十畝之熟田執衛所之票卽欲寢閣諸上司之明文欲曲徇其私彼實無所憑據法旣不可欲固守其舊彼尤無所忌憚情實不堪陽以作弊之言濺及書役陰以告害之說搖夫職官以滋奸橫不畏法紀今卑職初任上下未孚姑不敢指摘其人惟守正奉公不撓不隨庶幾早完國計以免罪責然又自思此舉雖不負上司而實重忤豪右雖不負良民而實取怨奸魁恐讒口囂囂終不能弭而罪責不能無也茲逢雅意興除謬以職守不揣微末有所陳控伏乞採行批示嚴禁庶豪右不得肆志而良民得以安生矣

本府竊看得興國絕戶屯田隆慶年間查出謫發該縣召佃墾種就近完糧解府支軍遵行有年邇來衛舍乃有具告混頂挾佃收租意圖拖負籽粒以致縣丞薛雲綬恐生阻撓呈乞嚴禁旣經該縣掌印官覆議明白相應依擬合候申詳允日行衛弁縣各出示曉諭軍舍佃田人等嗣後敢有奸豪仍前生端捏告前來收租阻撓徵收許佃戶赴告卽行拏解申究庶人心知警而屯糧得以早完矣奉

興國縣志 卷三十六 明申文 三
都御史李批絕戶屯田但佃戶能完糧者卽有裨於國
家何用紛更多事如議出示嚴禁但有妄告混頂肆意
阻撓者許告縣重究負固者詳院治之

蔡鍾有

屯田條議

卑職蒞任以來歷見承種屯田佃人紛紛告退無慮百
十家詢厥所由一則曰無幸承墾絕軍荒田竭力墾熟
遂被刁軍垂涎朋謀迭告不奪不休一爲其佃輿馬填
門大桶加量科嘆百端旣派傳餐又索下程旣租到船
又索夫價一物稍當意挾以必得與之則後遂爲例不

與之則修剝告府殆無虛日民亦何辜而耕此絕田也
一則曰無幸承耕攜運軍田之科索大桶加租猶其餘
者飲食不當意碎及器用辱及妻孥丟糧不納帶告上
司勾提到府先制縛之衛拷打勒騙又多方遷延不與
審結雖有得直而農務廢棄使費不貲甚且身家爲累
傾隕民又何辜而耕此屯田據此卑職案查絕軍拋荒
田土係隆慶年間奉府摘發下縣召佃開墾給帶與之
爲業就縣完糧者後被刁軍窺腴紛紛奪頂挾制縣官
阻撓徵收萬歷二十七年知縣何應彪覆縣丞薛雲綬
條陳申府詳院嚴禁民賴安生比今法弛前弊復滋各

告退耕其所必至又查見軍攜運屯田六百九十二分中間豈能無頑佃奸猾拖租貧佃不能完租然修其畦毗槩以完租與不完租之佃搭名府告勒騙拖累皆其實情紛紛告退良非得已夫此二項之田若聽一佃不耕則一分之糧必無所出矣既已爲糧不許各佃退耕而又不爲之所是明知其爲軍魚肉而坐視之也卑職愚見凡佃人開墾之田軍旣不能招募自墾於荒蕪之先則安得白奪之於血力墾熟之後合無請乞遵照前院嚴禁此後不許軍人奪頂從前冒帖盡行追奪萬不能然寧可租聽軍收而糧不可不令本軍就縣完納其

於攜運屯田查陞任楊知府買租贍運之法旣已不行合無請乞照糧折租如糧該銀一兩折租該穀六石其穀存佃着令就縣完糧解府聽支務令先盡糧銀其餘租穀乃不論多寡悉聽軍收贍運倘有頑佃拖租就縣告理如此則糧無不完軍不得以藉糧告擾而民可不害於耕是亦軍民相安公私兩利之術也

本府覆詳該縣於屯田之弊固洞於觀火而其爲佃人請命亦急於救焚矣衛弁嘖有煩言固無足異而揆之亦微有不便者蓋軍人之奪頂雖屬承訛而旣已告給亦屬其贍運之產矣今欲追奪原帖盡歸縣官一不便

也餘租雖曰贍運不無藉爲生計今欲其解府貯庫臨
運給軍將有田者不得需一粟二不便也人情叵測固
有以刁軍而魚肉佃人者亦豈無頑佃而賴其租穀者
今不勝其矜憐佃戶之意而概抑屯軍左袒佃戶亦似
稍偏何怪其嘵嘵也或於今後屯軍往收租者於府告
給一帖明載姓名斗担詣縣告投縣給一單出示諭令
各佃據單交付其軍人改桶多勒分外需求及佃人愆
期短少者並以法治之卽令完納屯糧方給還原帖載
租出境庶佃不受害糧無掛欠矣更有一說今頂田軍
往往私售或得銀若干寄租幾年夫田主佃人相習猶

有休戚相關之意若屢更則不相信將疊爲欺詐至寄
租惟利是圖駁削復何顧惜夫曰屯田明是官物何得
私相賣買相應嚴禁是亦屯田之一蠹而該縣未之及
敢以膚見聞

本道梅看得屯田有二曰絕屯曰存屯該縣絕屯大約
二百六十分存屯七百餘分絕屯者丁倒戶絕無人耕
種荒蕪之田也自當招佃開墾照例完糧如同已業乃
刁軍見其成熟復告佃奪頂夫軍旣絕矣安得復續何
不告種於荒蕪之先而告爭於成熟之後也先任何知
縣條陳嚴禁已蒙督院李批個人完糧告爭有禁矣絕

屯之議宜守舊章蔡知縣之議可行也存田者軍丁承頂之田有人耕種成熟之田也有軍則有屯有屯則有糧如民田納糧當差之例見存屯田有上中下三班上中攜運最下納徭夫攜運則一旗九軍出餘租爲漕運之費用納徭則輸貲存庫爲武弁軍健之工食行之既久法亦良善合無仍令三班存屯各照府議於府各給一帖投之該縣卽照帖給單內開屯田一分計租若干更較定火印畫一官桶不得多寡升合軍自召佃軍自完糧軍自贍運各軍屯糧令於督糧廳照例上納法有成規則豪強不得多取租有定額則懦弱不得過輸以免拖欠以息爭端於府縣之議因法相應而事易成於軍佃之情自軍不煩而佃不擾矣

分守道王批看得屯田之議軍以奪田增租累耕民以愆期短少抗刁軍民兩相嗾呶府議收租告給一帖明載軍人姓名斗担縣卽給單示各佃如數如期交納卽令完糧勿無措而糧亦不得以後時均便之術無踰此者至於佃種已頂之絕戶而軍圖奪頂軍將見頂之屯畝而私相貿易則又當嚴行禁革使屯戶一清軍民兩得矣

巡按江西監察御史張批屯田見存衛軍聽其自收爲

便若凌虐多取佃戶卽將原田退還本軍誰能強之至絕戶屯田原係招墾豈容佔奪卽衛官給帖發給與於何人若屯田私鬻尤屬不法查果有之如律究治此繳

條議

一乞嚴捏籍告累之禁江省近多誣訟一人之籍出此人彼一事之狀東拘西提是其明晃捏籍刁訟之奸已如列眉然而民受其害則未有如興國者有一事院告撫州府票提奉縣差兵批解道經廬陵界上爲原告要路截打差犯概傷解批盤纏盡被掠去回訴驗傷無奈姑再批解又一事原被俱耕任興國而原告以樂安籍

告提放火燒寮而去如入無人之境又一事武寧木客買造杉枋通奸淫孀怪地方斥逐徑以弟命按司去批南昌府南館天下豈有人命強盜不經本縣無告無案捏籍可結此外萬永廬泰無日無關提而武寧樂安肆害尤酷蓋緣興國土曠人稀異籍奸民潛居邊界耕山爲由相煽爲非地方盤詰則原籍告累毗睚修怨遂使愚民畏其徒黨甚於畏官而苦其捏告甚於苦盜者卑縣每行鄉約備聞心痛莫可誰何伏睹大明律例凡告人被論多在異州縣者許就被論官司問理今奉巡方摘禁其一事而遞告各衙門者申請從一歸結其一人

而牽告多人者仍令移寡就衆此其良法美意政與律同但非憲飭嚴禁恐難畫一爲此乞禁令通行各府州縣如奉批開提被犯多在異地者准將原詞申繳改批犯證人衆地方官又或人命強盜卽於原告投到之日審有已經本地方官問結者慮有虧枉卽爲提結不必申改倘未經有本地方官審問卽係虛詞准令申繳改批敢有原籍皆在本地而以他籍告害者許先坐罪立案不行如此庶捏籍刁棍無所施奸而文移往來差役奔走亦可少省是亦簡訟防奸之一端也

一乞嚴飭人命先令擡屍相驗人命干係大辟最重初清一或失眞終成疑獄查得律內凡係毆傷俱有保辜期限被毆親人先報確傷於辜狀印官先相活傷如果限內身死卽不蒸屍削骨已得眞正傷痕法最簡易情更眞確倘登時毆死不及告辜者最宜速檢查得洗冤條令赴檢不許過兩時具招不許遷當日今後印官但遇眞正人命隨拘鄰證押同吏仵親自檢審不許傳委佐貳等官及聽憑仵作妄報若苦主不先告官而乘機糾衆擡屍上門因而搶奪家財卽人命眞的各盡本法奉此卑職遵行眞足與民畫一然而興國受假命之害何無已也一詹心益樂安人告李洪達謀殺弟命無屍

無贓只憑兩案賊黨陳言一等硬證一袁世紹樂安人
袁束生盜割楊顯能稻穀被獲鳴眾求留亡何長男袁
佛保病故遂擡屍糾眾扛賴楊顯能家財穀搬掠一空
比楊顯能縣告假命抄家而後以打死男命告抵據此
二事是則官雖法在速檢而彼且無屍與檢官雖法嚴
賴掠而彼且先利攻掠縱後盡法究遣而被害已苦無
及卑縣伏念最重初情一語真萬古不易成憲而相視
之法則不惟可行之活傷者爲真卽行之方死者尤確
欲絕賴掠之根莫如先嚴地方里鄰代爲募夫擡屍之
法夫人命之不得干地方里鄰也亦明矣與其逮之

蒸屍證傷於後孰若令其募擡稟視於先合無責令地
方里鄰如遇兩構致死之家除苦主不欲聞官外登時
卽爲募夫擡到屍場稟縣相驗隨到隨稟隨爲弔仵相
視更不他委定其夫價每十里夫一名銀二分縣庫先
給候審應罪之家追補定其限期五十里限半日百里
限一日苦主不能募擡而地方不爲募擡不實稟者重
責越口而待已告者亦責其或屍親遼遠與夫在途病
死溺水浮來並無屍親者地方里鄰尤當速擡稟視以
杜禍根至於孤邨無里鄰人家則苦主自擡亦必報同
地方如此則無屍可擡徒手告命如詹心益者卽爲虛

詞矣有屍不擡相視而徑賴掠如袁世紹者彼此地方亦必不容矣如此則不惟假命攻掠計無所施而卽有真傷一視立辯縱時當炎蒸一二日猶可以相所謂初情最確最簡是亦一法也真命旣可得真假命無所容假或亦移風易俗防奸簡訟之一端矣

